



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorum Omnium Generalium Et Provincialium Collectio Regia**

Ab anno CCCCII. ad annum CCCCXXX.

**Parisiis, 1644**

III. Quod non debeant baptizati nisi ab Episcopo consignari.

**urn:nbn:de:hbz:466:1-14918**

## 6 INNOCENTII PAPÆ I.

teteos hoc sequi quod Ecclesia Romana custodit, a qua eos principium accepisse, non dubium est, ne dum peregrinis assertionibus student, caput institutionum videantur omittere. Sæpe dilectionem tuam ad urbem venisse, ac nobiscum in Ecclesia conuenisse, & quem morem vel in consecrandis mysteriis, vel in ceteris agendis arcanis teneat, cognouisse dubium non est. Quod sufficere ad informationem Ecclesiae tuæ vel reformationem, (si prædecessores tui minus aliquid aut aliter tenuerunt) satis certum haberem, nisi de aliquibus consulendos nos esse duxissemus. Quibus idcirco respondemus, non quod te aliqua ignorare credamus, sed ut maiori auctoritate vel tuos institutas, vel, si qui a Romanæ Ecclesiae institutionibus erant, aut commoneas, aut indicare non differas; ut scire valeamus, qui sint, qui aut nouitates inducunt, aut alterius Ecclesiae quam Romanæ existimant consuetudinem esse seruandam.

## I.

De confess. dist. 2. Pa- cem igitur. Pacem ergo asseris ante confecta mysteria quosdam populis imperare, vel sibi inter sacerdotes tradere, cum post omnia, quæ aperire non debeo, pax sit necessario indicenda, per quam constet, populum ad omnia, quæ in mysteriis aguntur, atque in Ecclesia celebrantur, præbuisse consensum, ac finita esse, pacis concludentis signaculo demonstrentur.

## II.

De confess. dist. 1. De nominibus recitandis. De nominibus vero recitandis, antequam preces sacerdos faciat, atque eorum oblationes, quorum nomina recitanda sunt, sua oratione commendet, quam superfluum sit, & ipse pro tua prudentia recognoscis, ut, cuius hostiam necdum Deo offeras, eius ante nomen insinues, quamuis illi incognitum sit nihil. Prius ergo oblationes sunt commendanda, ac tunc eorum nomina, quorum sunt oblationes, edicenda, ut inter sacra mysteria nominentur, non inter alia quæ ante præmittimus, ut ipsis mysteriis viam futuris precibus aperiamus.

## III.

De confignandis vero infantibus manifestum est, non ab alio quā ab Episcopo fieri licere. Nam presbyteri, licet sint sacerdotes, pontificatus tamen apicem non habent.

Hæc autem pontificibus solis deberi, ut vel consignent,  
vel paracletum Spiritum tradant, non solum consuetu-  
do ecclesiastica demonstrat, verum & illa lectio Actuum

*Ad. 8.*

Apostolorum, quæ asserit, Petrum & Ioannem esse di-  
rectos, qui iam baptizatis traderent Spiritum sanctum.

<sup>a</sup> Nam presbyteris, seu extra Episcopum, seu præsente E-  
piscopo baptizant, chrismate baptizatos vngere licet, sed  
quod ab Episcopo fuerit consecratum, non tamen fron-  
tem ex eodem oleo signare, quod solis debetur Episcopis,  
cum tradunt Spiritum paracletum. Verba vero dicere  
non possum, ne magis prodere videar, quam ad consul-  
tationem respondere.

## IV.

<sup>b</sup> Sabbato vero ieunandum esse, ratio euidentissima  
demonstrat. Nam si diem Dominicum, ob venerabilem  
resurrectionem Domini nostri Iesu Christi, non solum in  
Pascha celebramus, verum etiam per singulos circulos  
hebdomadarum, ipsius diei imaginem frequentamus, ac  
sexta feria propter passionem Domini ieunamus, sabbato  
prætermittere non debemus, quod inter trititiam  
atque lætitiam temporis illius videtur inclusum. Nam vtique  
constat, Apostolos biduo isto & in mœrore fuisse,  
<sup>Ioan. 20.</sup>  
& propter metum Iudæorum se occuluisse. Quod vtique  
non dubium est, intantum eos ieunasse biduo memo-  
rato, ut traditio ecclesiæ habeat, isto biduo sacramenta  
penitus non celebrari: quæ vtique forma per singulas te-  
nenda est hebdomadas, propter id quod commemo-  
ratio diei illius semper est celebranda. Quod si putant, se-  
mel atque uno sabbato ieunandum, ergo & Dominica,  
& sexta feria semel in Pascha erit vtique celebranda. Si  
autem Dominici diei & sextæ feriæ per singulas hebdo-  
madas reparanda imago est, dementis est, bidui agere  
consuetudinem sabbato prætermisso, cum non disparem  
habeat causam, a sexta videlicet feria, in qua Dominus  
passus est, quando & ad inferos fuit, ut tertia die resur-  
gens, redderet lætitiam post biduanam trititiam præce-  
dentem. Non ergo nos negamus sexta feria ieunandum,  
sed dicimus & sabbato hoc agendum, quia ambo dies  
trititiam Apostolis, vel his qui Christum sequuti sunt,  
induxerunt. qui die Dominico exhilarati. non solum

*De consec.  
dist. 3. Sab-  
bato vero.  
Et in De-  
cret. Iuo.  
lib. 2.*